

湘綺樓全集

湘綺樓詩弟五卷

戊午

己未

庚申

湘潭王闓運字壬父著

從南昌至臨川一望平林沙田作一首

寒原送雲日空秀無遠近渺然恬澹意浩若滄洲影輕
烟有餘妍夕照見低隱遙瞻山漸微迴觀勢難盡平林
多貞姿蔥翠自相引既得汀渚趣庶覺塵勞泯緇髮何
足矜忘季託松菌

金谿東鄉作

長征癯猶鶩道遠歡不謝明月忽照人如我玉階夾貞
林潤寒綠淡巒帶遙畫巖曲景易新瀨淺水難瀉冉冉

驚歲徂依依感心暇情眷幽蘭隱目覩芳茅化隨物既
推遷達生豈悲詫萬事如有期曾是各歸駕

南城至貴溪多曲徑密林冬樹青青時渡川澗水純作
銅碧色清淺映底

旅人知久別幽問願歸瘴陵晨路已緬涉澗風猶送霜
烟互蒸靄林壑涵靜動輕銅漾凝碧遙石分青蒨鑒波
影逾獨登梯感誰并遐想謝公迹近矚麻源洞委曲情
屢移優游道難用勞形亮無適孤芳詎堪弄永作塵中
游將貽達者慟一悟竟安遣外物徒相控

溯饒水至玉山

水宿蒹塵襟塵蒹弄芳潔雖無蘋藻秀波石亦可悅文
鱗蹴寒碧飛玉漱瀾雪密霰濺潺湲風水鳴清切沙禽
哀夜寒潛魚怨梁絕微物無離憂茲心果安設伊余本
懷安羈行自總髮偶與屯蹟離已覺勞逸別方託楊朱
戒舍席終可奪

雨宿江南步始入浙境作

役車久已休游子難爲心日短道更長興淺思始深
遡鷗犯嚴寒輿轎趨遙岑密石路修潔陳莽幹荒森飢雀
過隴急同雲結風陰墟市藹相望煙起成一林越國旣
改觀殊土漸移音白雪孤楚奏涉江愁越吟莫節物多

感微我獨不任若逢同心寢知余幽獨琴

七里瀨雪中瞻眺

峭壁埽纖煙微雪拂夏碧夾江波勢洶
省嶂天容隘奔湍隨歲晚重雲自古積
身依孤棹忝心愧巫釣客遙遙竟千載
汎汎誰再歷隱見豈予心貴從性所適
欲攀山阿竹且拂澗邊石孤游非久要
意愜轉成戚

江濤積冬春寒雪夏昏晝飢禽久無聲
郢曲猶一奏荒林似如昔竦嶂遙相走
落石麗雲錦峰巒攢華秀乘流逐岸轉
遡飈苦寒驟苦辛爲誰故屯遘未云負
謝公逐已天巖子終頤壽山澤願雖同
名道詎兩副觀此將淒

其虛舟庶能宥

出嚴陵灘至桐廬

客心貪名境桐廬接幽觀空波稍渺茫漁艇得疏棹平
洲方右迤曾山漸左羨日莫陰雲升風過潛波渙龍螭
固存身鵠飛寧假翰古來賢達人羈游不可算但恨所
志乖貽阻焉足歎及此歲無幾長歌且伸旦

富陽

玉瓦映朱樓雪照千家縣深林翼孤峰煙攤三重觀青
瀾旣潭沱寒樹猶明蒨悠悠扣楫謳渺渺驚鳬亂賞心
不假言餘秀殊可翫

錢唐

扁舟汎綠波波痕不可迹分棹激泠泠飛雪增淅淅羣
山入雲水遠岸明竹柏南瞻界一線北睇殷千疊豔歌
已雲椒雄圖久淒寂波潮來逐往陵谷今猶昔歲莫如
可嗟古事詎勝惜聊且齊悲歡逍遙以終日

宿漁浦潭作寄婦

宵寢故山梅灼灼春前榮曉看平洲樹纖纖雪中清路
遠思不邇何用采芳馨想見倚幕歎寧念孤舟行雲昏
翳後途水濶驚前征極望已悲慮况乃離思并知衰不
覽鏡懷音儻報瓊卽是相傾企彌增他日情

夜半渡浙

雪渚雁鳴風夾江雞唱寒寂聽動哀響寥亮滿江山羈
情苦飛越憑虛忽超邁餘清娟菰蒲素碧隱霜漣曉色
物曖曖莫歲思縣縣本知虛舟達誰云舍筏賢

除夕登吳山觀杭州城

伏生眺武昌庾信哀金陵王氣一朝盡山川不再興茲
邦信鯨富夸脩坐相仍窈窕呈市肆綺紈追上陵冶游
亮成俗靈境并攀登漠漠俯廣遠輝輝麗彫甍鐘漏競
曉歸簫管并風升賢達既彌代土風不可勝聲明實蔥
蒨佳麗見嚙稱誰謂蓬生曲化俗在賢能如何視推遷

衰盛竟無憑武功驚遐邇成敗互相乘雄圖獨安寄太
康有遺懲慘澹羈客懷憑高意飛騰心憂思何其歲晚
歎無朋

正月三日汎杭州西湖從靜慈寺過孤山作

瀟湘不可望溪秀如在目汎舟清湖陰幽想頗相屬連
嶂合近郭澄潭映遠竹雪明樓閣靜影散淪漪綠名境
非眞靈傾城恣游矚炫服知俗荒殯基念民蹙目倦西
陵下賞會孤山麓喧寂余安從前修恆抱朴

月夜渡江

自從錢唐來久絕浩渺觀今爲揚子渡曠若溟渤寬挂

帆優輕風鼓柁陵遠天蒼茫煙波際仰見孤月圓迴望
已悲壯安用憑波濶空明千餘里始覺天地寒靈境不
可居靜夜想無端太息濯塵纓歸與殊未聞

春江月夜看新昏車過

玉腕蘭陵酒金堂少婦家輕寒消豔曲新艸受鈿車燈
月春明水笙歌友對花願催垂柳綠隨處宿曉鴉

高郵道中

行雲渺渺去終日竟何之芳艸看看綠愁心正此時春
風召伯埭明月露筋祠欲繫青驄住垂楊未有絲

詠史雜詩八首

仲蔚居貧園蓬蒿驛人迹矧茲宛洛游所安在容席窮
巷延古落叢榛蔚荒碧孤雲爲我朋飛鳥爲我客素心
何必多褊性喜地僻雖無琴酒趣縱放聊自適沈吟若
有願高致邈難匹請謝當途人無爲問伐國

薄莫游燕郊思古登高臺浮雲乘海氣悽愴從東來滄
波不可望仙駕在蓬萊曾聞古徐生一往不復回秦王
攤六龍帳殿臨蒼崖樹羽照千里鞭石遂莫追不見安
期瓜但覩驪山灰人事終已矣天道長悠哉

期門游俠兒少小好弭歌雖爲燕市游志不慕荊軻一
朝被軍書驅馬向交河黃塵蔽曾雲易水自生波垂淚

聽變徵返顧空咨嚶
人生有非常歡樂常苦多
時變相迫促棄置當如何

李斯臨東市仰視白日光
悲風卷沙礫慘澹交衢旁
黃犬亦何恨身死墮國綱
羣盜滿關東讒巧在君旁
鷹隼不虛擊何爲誤見傷
利害寵辱間反覆烏有常
陵谷在俄頃千載用慨慷

亭亭高樓柱蠹朽理荒菅
本無千季節焉怨高風寒
摧頽糾蔓中豈復念彫盤
但恨梁棟少匠石用空言
丹飾豈不美璀璨難久觀
蹉跎廣夏材棄置窮谷端
傾覆君自取求仁又何怨

佳人步瑤宮明秀若蘭金希心託朝陽比潔濯春潯華
實不竝暉獨處怨幽淡幽淡亦何訴泠泠奏清琴一彈
風雲和再唱鸞鳳吟鸞鳳依有德翩翩愁我心

子雲初冥思東方未上書上京富文藻來朋慰離居寂
寂今世事逝將與我疏游鯉運四溟潦鯁樂一隅汎汎
有自然規規欲何趨

窮居觀時運悽惻懷有道違物非至貞萬事何紛繞衰
謝相催促達士不知老如何夸名子意氣傾懷抱榮祿
未及終已復喪所寶念此能幾時端然至天曉

酒集汾源寺送龍知縣汝霖試用山西兼贈郭編修嵩

蕭尹御史耕雲郭新從大沽防海營入奏兵狀與尹
言夷務故有是贈

朝作白頭吟夕代東武謳西風一夜起秋色滿堂賓客
增離憂送君西上太行道滹沱連雲沒秋艸人生富貴
須少季倏忽窮愁至將老京華來往十四春布衣疏食
家仍貧只言白璧報知己惟見黃金賜近臣一旦銖華
人事改百道鯨波噴滄海匣中寶劍三四鳴萬戶侯封
不相待坐中有客奏兵機絕國蕭條無是非空開西域
蒲桃酒且盡牆東鸚鵡杯持杯卻問霜臺客祇恐中興
有遺失致君堯舜公等知七疏書成萬人惜卑官落拓

更可憐嗟君欲去知君賢莫辭優作折腰吏何時得種
公家田從來形勢稱三輔太原雄關任腰膂借問季季
汾水秋卽今誰作并州虎此別東西各自悲古寺鐘鳴
來客稀惟有鳴蟬聒人意夜來唧唧在高枝

七夕篇

片片微雲河漢明纖纖暮雨六街清客心本奏江南曲
秋思常依北斗城城高斗轉嘸鳥起今夕長安倍愁思
丹鳳門淡初月度青鼉更永涼風細涼風初月雁南飛
故里蕭蕭人未歸宿燕雙棲隱珠戶流螢數點上鴛機
閨中獨愁還獨泣玉簫銀屏背燈立已嫌月上照魂驚

還訝風來共愁入青綺窗
淡早露秋金鋪行處玉簾鉤
低帷暗拂相思枕
曝衣隨上合歡樓
自古仙娥怨離隔
妾望秋期那可得
紅蘭曉落湘川上
黃沙夜暗交河北
交河水不連天
洛川繡被不成眠
君言寢見長如舊
妾見妝成不似前
前時三五妍嬌慣
妝成但結同心綰
本知榮樂在當年
誰保相憐期歲晏
當年歲晏思遙遙
春草逢秋也自饒
乘涼卻扇垂纖手
獨坐穿針愁細腰
輕離暫別旋能久
含情吐恨長相守
不聞江漢送扁舟
但見銀河挂窗牖
此夜何人不憶家
此時何處望天涯
聞道神京近東海
將隨漢使覓浮楂

續孟從事微雲之句

涼夜諧清景
淡堂靜已空
微雲澹河漢
疎雨滴梧桐
偶坐間宵漏
悠然聽早鴻
秋來薜蘿冷
應與故山同

宴尹御史宅卽贈三首

明良感榮遇
直道在如今
君抱匡時策
能爲隱士心
素書隨意讀
青艸閉門深
小閣鑪香夾
愁來只獨吟

未得隨仙仗
空傳有諫書
近來封事少
不與故人疏
祿薄猶供酒
心齋勝食蔬
招要惜良會
休問夷何如

碧澗新菱嫩
秋田子鴨肥
疏螢點花竹
微雨淨莓苔
風物江南好
家山窈裏來
無官更何戀
祇合守蒿萊

將之濟南畱別京邑諸同好

秋林鬱榮條氣煖芳未折南士多離心孤懷感鄉節盈
思難久安駕言且東發嘉筵因事集帳餞傾時哲甘肴
充八珍舉觴過三設雖知面對期感念目前別殷勤豈
徒斟厚愛愧將闕興來無獨悲酒醕歡未歇旋車過天
逵微風吹華月霜露已云睽山川邈然絕何用慰歲寒
令德指松柏

皇居冠文物英彥起高驤志士履危時慷慨思隆康龍
蟻在變化進退焉有常但恨處卑位所願不獲彰不覩
鷹隼擊肅殺志高翔遠望長風起始覺天地霜思彼燕

市豪撫劒觀八方縱心復何求朝夕醉一觴

燕趙多奇舞要眇赴弭歌華容競時妍廣坐呈修蛾知音古所歎真賞意不多安得窈窕房爲君奏陽阿昔聞三楚秀曼睩代層波時節忽流易此志常蹉跎荃蕙猶過時況爾臨風柯峙嶠九秋別君子其如何

自京赴濟南途中秋興

南苑依依柳猶能送客驂微生天意惜孤影別愁堪曉月供憔悴征鴻度兩三淺黃淡碧外只是憶湘潭津口傳呼急新隄版築堅空聞志溝洫無策報安全久罷黃河役仍傾赤仄錢皇畿尙疲病寧轡始茫然

十二橋邊樹枯薪尙有根西風亂蘆葉孤月出關門蹕
道悲龍過寒塘獨鳥喧

先皇全盛日生晚共誰論

微煙依碧樹清露洗空林正爾孤雲暮蒼然秋氣淡節
移南地煖風落鄭城陰賴有王孫艸萋萋伴獨吟
馬色渡河秋蕭蕭向德州江淮今罷運馮李昔潛謀久
重平原守間看鬲水流羈愁不成臆那更聽齊謳

駐馬官橋側郵程數再經河流蕩日白山色背天青晚
麥疲民種荒田積水腥應憐風土變休喜似湘鄴

清沛接黃流平田歲不收從來河伯罪祇益聖王憂近

欲移滄海誰能問
兗州遺民休待賑
軍米尙空籌
寂寞澄虛樹清冷
百步泉尺鱗紅見
鬣雙羽翠衝船物
我無賓主樓臺有
歲季離心與時事
渺渺向秋煙
汎大明湖登歷下
亭至鐵祠作一首

野心愛蕭條間游
易悽蕩放舟荒蘆際
獨抱清秋賞茲
亭有興廢遺迹餘
想象誰論古基在
但見今人往來回
彫檻側逶迤綠波
上寒風拂林樹落
葉委菰蔣離離動
遠色瑟瑟無停響
人情幕畱景感逝
增一愴誰謂顯晦
齊無名道安獎古
賢共論此寂寞濠
梁想來者如可期
孤咏聊自廣

都轉陳大夫重新歷亭卽賦贈別

汎棹臨晚景明湖
激碧流霜清歷城靜
木落孤軒浮勝地
美今葺高吟懷昔儔
登臨默感會蕭瑟
觀蘆荻俗宦苦無暇
使君心轉幽俄聞結
構罷已見湖海秋
歎想盛名士幾人
隨釣舟得閒徒自
惜知幻亦同游
驄馬復將去
鴿鳬空滿洲
事移山寂寂
情在水悠悠
政貴新爲理
人非古獨愁
興衰代有屬
迹象道難畱
楚客怨招隱
齊民貧未謳
寒飛慕南雁
鄉廬如浮鷗
疲俗在一舉
觀成獻爾謀

爲蔡與循婦往返二首

嘉會無久新華季如斷素結髮侍清塵俛歲云故昔
送易爲別今懷已多慮寒房常早眠明月照我戶循名
愧一載離會一何遽薄衾攤虛景婉變爲誰顧良訊猶
空存來鴻矧無遇希君游宦成見妾紅顏莫

蕭蕭緇塵起翳翳孤雲飛浮沉亦何遑念我與子違淑
音往如新歲紀忽已非初爲萬里別常若在庭閨情敬
苟不隔何必慕容輝京洛多游子非我獨不歸寒來憂
始密節往思更稀願以三秋會報子陽春期

寄懷劉先生熙載

任才多所失任意少所成至德不嬰時敬慎爲道情末

俗揚積波矯世亦自輕景行將何寄夫子照徽英冲性
遠符綬澹慮辭承明貞介豈違物邈然自超榮人言黃
唐遠取之在戶庭天人損益間得失兩不名曰余廁南
越未覺悔吝萌逍遙河側游伐輻願瀾清夷惠非隆運
恤緯獨霑纓

代幽憤詩

并序

友人李壽蓉官戶部主事其尙書宗室公特重之會
奏發大錢贓私事同列疑李有謀尙書周公並牽之
入獄籍其家無百金之物而囚繫不問漫以困之余
在濟南危病中得京中書言其苦厄惻然悲感代作

詩一篇亦冀以風悟

天子使刑官知有罪無罪幾無刑之治是時方

御試天下公車畱京之士將授以學官

欽命題目以君子懷刑激厲凡百遂仰述

聖訓達小臣恐懼待辜之意抑嘗聞周任曰不能者止
今京內大小從官數且萬計豈其甘蹈鼎鑊亦皆有
高爵厚祿戀而不去壽蓉何咎焉繫閬運實代之幽
憤而已其詞曰

經別辨筮儉德在否性濁易辱祿榮近恥嗟余沖暗貪
仕爲貧恪恭末職政不及民仰恃

聖仁有寬無猛爰及同僚趨踰臺省風議優游卑位不
爲臧否在口昧於所施任心而言自謂其正恢恢天網
乃致余命豈無曲直人不我與苦酒湛蘭亦云自取性
不傷物康也維塵矧余剛褊沮志摧神煢煢宜狂附情
竢對權奪秋官職移理寺巖巖師臣身膏斧戍藐此微
賤危於冬葉明明

宣宗朝無大獄重典刑亂輒申枉酷匪苛小臣思國之
福匪訟而免愆刑之黷百爾君子知幾是速無恆安處
願言伐輻肅肅之雁命侶同歸雖有矰弋不害羣飛世
不可入寔有亂機君子觀變況在不微孫登多識嗣宗

言集卷五
至慎惟有琴酒可以無吝內悔夙志外謝友生人誰不
宦庶無宦情仰承

帝訓君子懷刑咨爾在澗其樂乃成在獄思隱怨飛無
翼履安忘危此志其息窮達惟命安危惟已俯仰之資
不逾斗米勗我來日歸我山阿被裘帶索可以行歌勸
爾有位樂且有儀敢詠空谷以誠其他

奉陪郭大兄嵩燾登華不注山兼和贈一首

華峰萬石成一色上峰嶙峋下圓碧雙尖削瘦無四鄰
攢秀亭亭見千尺神仙游客同所遇世人少暇空來去
從來靈境惜奇賞突兀東郊如虎踞夫君龍節登蓬萊

峻節驅風海水開大綱持政物多暇山人始見青驄來
驄馬行行轉山麓落日寒光照蒼玉近看厯落抽萬筍
遠見參差成一簇中峰峻嶒上危巒飛閣架構無層闌
與君相看豁方寸青天四望心目寬野風吹袂白雲滿
濟南落掌飛勢遠夕煙曳嶺開屏風厯山下對城如盃
登高遠眺逸思多興酣抗響同高歌已嗟彊齊變弱魯
坐傷清涕污濁河郭詩中有齊魯河
涕之感蓋刺今也濁河清涕事翻覆
古往今來如逐鹿三山十島不可求樓船駕海濤成屋
今年海防參大計功成身退君所識泰西夷舟犯大沽
者十四船盡破之
詔書新命倚此行青兗蒼生望經濟憂時覽古悲河山

北望閭闔南荆關勝游未知白日短獨坐始覺孤雲間
閒游握手不易得路人旁觀指狂客但知二命有窮達
誰信兩家無擔石故人故鄉如眼前欲去未去心悽然
願將世事老漁釣暫隱衡山過十年

歲盡雪莫寄懷篁中獄中

篁仙與余友經歷一紀歲戊申十二月雪夜宿余書
室聯句二十韻自後賦詠共先示稟款昵之雅朋好
備知今春夏在京以篁仙官事頗劇過從稍闕余到
厯下忽聞絰網驚歎之念常人不堪況辱深知豈惟
況歎而已會除夕前二日莫雪結庭空房感舊輒成

長律代敘其情余素恥爲劇韻以昔聯句曾押難字
追少時之事遂用韓愈詠雪詩韻韻依次用并呈裕
庭尙書肅順李主事榕郭編脩嵩燾黃吉士錫彤龍
騰錄汝霖高進士夢漢以諸君與簞仙及余在尙書
府相見頻數故因致余意庶幾拯之云爾

聞爾南冠繫淒然北信來故人時不利旅食歲相催
毳鳥毛真鍛寒鴉報可猜浮雲望燕塞吹雪過龍堆
阮甯投身入軒堂取勢回結澌欺水骨凝氣縮崖隈
死草枯猶壓高松勁亦摧初迷五達道旋上九重臺
鏤玉敲棱角如羅漫翦裁封橋偏凍石踏徑幾翻落
屑屑花紫碎

紛紛粉絮撥徒煩酒檣机空溼佩玫瑰瓦重棖斜壁梁
驚飯拾埃漫天俄渾沌比月愧晶螳黑海仍掀浪銀山
枉聚財粟肌人粟粟卷旆壘嵬嵬虛兆傳豐歲嚴陰暗
復雷齊宮暫發廩梁苑只傳杯郢曲終無和袁門遂不
開飢鳥口逾喋穴螳戶私培炫耀形難久飄搖事起纔
但能陵岸柳豈敢鬥江梅罅隙彌縫偏北巒掩覆該污
泥荷衰飾險路望裴回儻值羲迴馭真如項敗垓呼霜
迷衍獄覓火溺韓灰勸子歸茅屋畚田藏芋魁高歌斗
室應酣飲玉山頽鄉井多談謔兒童任擊虺斨林筍破
角出土藥含胎消長時時變盈虛漸漸推須爲塞翁喜

莫作離門哀冬盡一陽復詩平萬劫災慚余攤衾被無
助恥餅鬻憶別興長歎攄情竭短才十年同骨肉一上
累鬢鰓黃鵠當飛矣冥鴻何慕哉閒垂子陵釣薦謝馬
卿媒冷坐情悽惻奇文意詭恢將吹黍谷律終仰

聖人孩

元日汎珍珠泉寄懷鄧辛眉兼示婦四首以除夕並寢
故有是贈

懷歸歸有期馳心喜年促少壯忽舍人春來悟冬速離
景未須臾和序已再淑萌芽企陽蘇新故感代續雖有
延年術時過不可復五龍非吾羨願言託雙鵠

積雪映靈泉素碧漾空輝元辰汎輕舸聊以蔽我懷芳
藻媚寒波微風自歲裝旣無佳人贈采采將自貽臨潭
思悠悠澹蕩念無依瓊蘭非不馨幽獨在江圻借問踰
淮橘何爲中兒違

迷禽中夜唳髣髴思舊巢感時念良友歎慕在一朝婉
嬋清揚儀之子不我遑幽蘿怨遲輝貞柏契久要瑤珎
媚泠泠揮手遂飄颻顧盼有餘光延竚未及招自無陵
風翼企立懷遠霄

潛蚪竢春瀾翠翰弄和風時至苟不達安得潤微躬黃
雀雖輕翮守蟄無妄聊凝陰尙元黃膏澤未昭融去來

同心子矯志希光鴻
奉送山東布政使被

命祀泰山祈雪

東藩肅神翼宗嶽鎮王垌元化協天朕潤溥表地靈告
成七十二

二聖始垂經神教盡百歲泰往澤未形牲璧曷虛降明
德祀維馨愆陽亦何警

睿想結農町軍租費旬程旗餉困繇丁人蘇竦南淮孽
伏纏東溟綏邦豈天懈維嶽亮昭羸公秩裨燮翊夷亂
在豐甯

宸居先湯禱詔使出沂青將禮輟方牧禪盲契神庭嘗
聞精誠應誰謂天道冥災沴無顯晦我

皇寶屏營望敬九圍格肱情萬紀傾將期民物康陪位
禪云亭

感春詩

湛湛蘭沼中有游魚寂寂蘭室之子獨居春風之來我
思其徐良爽既止明月時曙月照我影子照我心何以
思子寄之素琴

我媚芳艸言下其階微春始蘇先荅我懷泉瀾無心委
體從風漾影新和窈窕無終何以思子如彼微瀾何以

慶子朝莫之間

澄虛榭春宴

華鑑星月下清夜開四軒笙歌暢春和羅綺媚風泉良
游命妙賓延賞及初率齊謳引長笛妍節赴七盤要妙
會人心宛轉發自然珍肴相間行樂飲過中山但訴芳
酎醲豈念春宵寒沈酣偶行游庭樹皎微煙籛寂無殊
境朗照寄所觀逍遙西園宴恒覺四美難蘭詞敷嘉音
寫樂承玉筵

王氏詩

明齊王朱高煦獵遊歷城縣標山有婦汲水見之而

言集卷五
美畱問其姓對曰王氏問其夫家不對迫之不從見
般而莫敢尸相傳爲東鄉王氏云爾後五百季王闔
運始爲歌詞以附樂府而傳之

芳艸緣標山葉葉隨風舒窈窕誰家女行汲出山隅素
手引纖繩輕腰約羅襦行止自媚媚照影爲雙姝路旁
誰不觀不得暫時曙齊王恃驕貴馭馭出田游萬騎俱
裴回裴回南陌頭朱輪兩躑躅繡旂交縈紆借問彼姝
子恐是秦羅敷傳停垂手前應對自紆徐荅言是王氏
一言已婀娜二字無多餘齊王再三問誰何是卿夫夫
名在妾口王今問何如韓憑因婦死微賤易崎嶇王能

制生死妾能守區區貴賤不相涉恐此事難圖王是萬
乘子妾是千金軀別我寒泉水盈盈照明珠辭我雙淚
瓶瑩瑩比玉壺當令便破碎誰復計須臾人生富貴易
妾願不相踰東鄉千萬人西里百餘家共飲山下泉不
食泉中魚魚行不易雙泉水清有餘流傳五百季但道
王家妹

朝莫二首

風急夾蕭蕭轅門鼓吹高市聲喧曉近歸夢入春勞天
地隨詩卷關山感敝袍南來一行雁應見洞庭濤
塵起歷山平寒泉只自清長風高詠發落日壯心驚兵

言
卷二
氣連東魯河流混晏城西樓吾不厭憑眺眼中明

贈高松江倬一首

高到郡道經濟南雪中與何丈紹基登歷山歸集飲
何宅酒次言與故友李伯元善訪其遺詩因有是贈
高志無近懷朝市望山林孰是簪組內獨抱江海心明
牧眷清淑杖策愜幽尋良游拂寒徑虛室對清斟歡言
偶已接勝寄理不沈蕭蕭言詞外寂寂冰雪襟因論故
人誼感激思悲吟卽事已爲古結契猶在今雖亾郢匠
質未輟鍾生琴誰謂投分淺道合情自浚晤對誠外緣
獨往佇徽音上治資靜理餘劇非我欽若遺出處迹期

訪南江潯

入西山從潭柘寺東澗至山亭

幽柏澗半青芳艸徑初碧參差重閣外峭蒨山四壁入
門松風起偶坐溪亭夕靈泉度煙響歸人共鴉息暫聞
清梵落始覺心未寂暝色春濛濛孤此雲外石

瀟碧房聽階上流泉

瀟碧延清窗掩映三竹林坐對白雲莫安知溪水心微
風又如何歷歷一鐘音春心灰始寒想象空山淡幽寢
斷復續吾其觀古今

從戒壇下至可羅村

壇空松陰陰仙色春夏靜風移龍蜿蜿雲幟日靚靚飛
襟一里翠度石雙屐冷娟花不出谷獨對山露醒芳香
路之半遠近自春影日莫逢歸樵相看在入境

歷城龍洞

絕壁風岌岌寒巖石晶晶不因平原敞豈見連嶂驚捫
天入靈洞窺日出雲局高幽造二奇丹白紉重城鏗鉤
百仞上觀聽未敢甯龍移土色枯楓落澗氣清峻削無
長棲喪我石隱情蒼蘚埃春潤蒸色儻愈明暫來誰能
淹樵斧上青冥

登觀音作

滔滔平野春蹙蹙千嶂日幽揆踐南郊仄徑指蘿室旣
沿清溪轉遂攀峴首石中峰仰崢嶸虛洞俯泉壁返照
明歛門煙霄度樵迹浮雲一迴望清漢若可挹淒清古
事空寥廓雄鎮寂空尋龐公隱終泯羊侯績果協無名
果巖秀猶願拋

月夜汎漢

日落山水秀薄游清漢湄嵐光遞明滅丹翠飛參差孤
峰媚我舟到影漾漣漪月出采色變微藍澹煙陂波光
獨空明遠岸愈逶迤時復清風來宋靜中夷期同心感
擧芳真賞信不疲如逢解佩客爲我贈相思

病中大風登龜山望江漢

宗生願長風枚乘觀江潮如何衰病時伏枕畏驚濤抗
袂出奇游微命寄輕舸偃仰陵洪波曲折履山椒曠望
千里外始覺江漢高濤雖異流風起俱滔滔連山勢
浮空城郭見孤搖奔騰王我神豈念筋力勞蕭疏今古
事悽惻爭戰交成敗相推轉豪聖無久要雄圖在我掌
撫劒觀四郊清角吐哀響聞此胸襟消

湘綺樓詩卷第五

弟子衡陽程達康棻校

湘綺樓詩第六卷

庚申

癸亥

甲子

湘潭王闓運字壬父著

古風荅贈尹杏農十一首

上京九門門九關少季白馬黃金鞍出門欲別苦相送
爲君舉酒歌路難春華芳銷白日晚何爲流宕不念還
古來富貴盡爲樂坎坎坷羈旅自生歎

春陽尺水風生波枯楊新桃氣始和璿房美人惜時算
一掩一抑彈琴歌楚王重色兼好聲殍繇手怠成淫哇
十三操徽能雅調心慙媚君恐復阿甯從孤桐憔悴灰
不作猗靡枝葉多

君不見建章宮中匠石人門前小女名芳蓀生季微賤
不自美何意一朝近至尊此時四春見愁歎低頭塞默
少精神椒房新歡代故寵豈得獨專明主恩升沈貴賤
無定理因緣闇進難具論曾聞婕妤避同輩歛身抑念
奉明君

置酒長歎息誰能朝恩算復憶金貂滿堂君不歡崎嶇
見君陳一言君門貴人不解事九重幽深喻人意當時
聞我危苦詞寸心波瀾與君異一枯一苑有自然恩好
衰歇復相棄黃金白璧不稱心爲君懷憂終季歲

君不見前門車馬如水流惟有公子百不憂少季珥貂

作中衛醉游不知丞相吏明朝謁帝乾清門片言指陳
天下事意氣敷腴顏色鮮公卿貴人不敢議從來遠近
成親疏況我孤直外廷士

金階玉堂芳蘭門美人繡襦懷青春華季貴小不冝事
朝朝算算在南軒東家窈窕好顏色荷君新寵爲君言
言多讒淡君不悟紅顏棄置在中路咎時贈我金雀翹
懷中還君不相顧宮中同心見此悲不辭相畱恐君忤
春鴻雖離渡浮雲此時孤妾最恩君昔季送君始下堂
轉身看影君不忘中庭芍藥花復鮮念君三載赴朔邊
別時幽蘭能作叢形容憔悴芳氣捐清朝臨鏡已忍淚

詩集卷六

薄算對燭還獨煎東風飄揚入我房彷彿起坐帷帳前
嬌羞旁皇君牕中見君顏色非昔妍朝聞驛使君過來
何意道妾行路難出戶不能望閨中心小路又縣東鄰
西舍行人歸歸時說君始欲還已令恩苦疑作眞復令
望絕情更新羅帷粉澤稍欲理眉黛嬋娟不肯顰畱容
含愛待君至誰能息意望明春

請君莫問遠行人遠人落莫正爲君君不見相如夜辭
臨邛日彈琴沽酒看文君一朝詞賦動人主飛符建節
陵浮雲五季倦游復倦仕從容謝病守文園書成封禪
不自奏有志恥要天子恩得意失意它人事豈得爲我

賢達論

拳拳玉墀初生月分輝照影向金闕君當見此恩嬋娟
初八四五缺又圓昔我倚君戶仰頭太息爲我言如今
東西南北去豈得忘我攜手人莊離會合付天意心中
懷恩成涼溫願君當歌恆相憶不怨長歎不相聞

翡翠雙珠璫珠花宛轉不可忘昔持贈我比君德今日
爲君一相憶南山青松千丈姿風霜摧頽失容色根危
枝高不自疑古來幾人保直節君不見舜華翩翩委路
隅日暮美好無人折

去季歡娛太液池今季離別東陽溪芙蓉能作兩地花

不能更令苦樂齊彈琴悄悄未解怨吹笛慘慘遂成嘯
人生意氣在年少今我未壯先棲棲君不見洛陽蘇秦
二頃田難於魯連一尺珪功名富貴理長在百歲日短
難扳躋安危倚伏眼前事終當快意自提攜

華山畿

可憐華山畿無復儂與女悔不作棺木與歡同入土
九季臆中來容色果不變慚儂飛蓬姿羞作小時見
可憐歡玉手分明不敢把歡容果若瞋低笑看羅帕
腹中暗相憐顛倒畏女知蜘蛛挂屋角來往是空絲
北塞歡不慣夜夜朔風重果欲相見時教儂作歸窻

將酒著口邊含歡那得吐沙餠入尊中感郎不辛苦
玲瓏五文簾是歡獨所坐感歡娉婷腰端然自嫋娜
新儂與故儂無故兩相向打金作雙環誰能別尋樣
雲中一片月明明無厚薄雙行薝蔔林梳子向誰落
兩情不堪說沸湯沃縣壺使儂銅心熱

夜相思連編千丈竹看女作長籬

一人無兩心單恩已不閒何爲兩見尋

欲前畏歡瞋欲去恐歡怪鏡裏芙蓉花但作空中夢
雞鳴天欲曙明月不應落愁見歡子去

歡今果明儂羞人作私語釣竿語游魚我絲單爲女

發祁門襍詩二十二首寄曾總督國藩兼呈同行諸君子

已作三季客愁登萬里臺異鄉驚落葉斜日過空槐霧
溼旌旗歛烟昏鼓吹開獨慚攜短劒眞爲看山來
嵐樹晚蒼蒼千家閉夕陽雲低一水白山占半城荒負
米看貧婦歸樵趁野航亂離憑節制稍喜見秋糧
羣盜縱橫日長沙子弟兵但能通大義不廢用書生地
盡耕耘力人驚壁壘精後來司馬恣應見寓農情
舊部多專閫新除始建旗祇慙臣力盡敢似

主恩遲白髮人將老青雲驥不疑平生誰與分宋冀報

淡知

拙速元非計全兵寇亦能不成援北固終擬棄南陵病
馬三秋雨嘯烏永夜燈賢豪盡無命天意恐難憑
寇騎憑涇縣潛軍度績溪蒼黃十營敗風雨萬家嘯事
後論形勝愁來厭鼓鼙新安聽蜩處惟見月淒淒
城郭背飛旌恩歸正獨行入舟成避地失路豈逃名孤
客十季事寒溪一夜聲康山僧白首應不笑無成
內府波文蠶先朝雨過杯當時盛文物餘制見尊罍近
權青山稅長燒白骨灰乾隆老工在猶望

御窯開

言集卷之六
蜃氣浮三島龍旂攤

萬乘妖星逼南斗秋雨謁

西陵石馬無靈骨銅駝有中興餘生多涕淚霑灑望觚
校

慟哭勤王

詔其如

社稷何至今憂國少真悔養官多四海空傳檄書生豈
荷戈蕭蕭易水上立馬望山河

拒虎誠無策飢鷹且未馴如何戟形矢翻擬

賜黃巾西望咸秦險東依晉鄭親從龍卅八族今日竟

何人

上將仍黃鉞徵兵走絳旛憂危廷議息子奪

睚心存國體無新進軍功惜舊恩嫖姚真智略史筆願
詳論

財賦歸吳蜀荆榛復幾年冥冥王土窄擾擾客兵縣白
馬闔門練黃牛巫峽船惟畱尺寸地豪傑望旌旃

巡撫聲名久籌邊日夜勞應防呂蒙檣莫畏阿童刀盜
賊毆除易荆襄控馭高時危根本重悽惻步江皋

宋宋重陽蕻飄飄異國蓬孤吟人事外殘癘水聲中書
卷千季在親知四海空莫嫌村酒濁醒醉與君同

詩集卷六

六

惜別臨秋水殘霞映客衣雖爲千里送終是一人歸天
地豺狼滿東西燕雁飛明知故鄉樂無命采芝薇
有客歸湘上荒村正晚秋轉因無盜賊祇是苦誅求不
謂東征餉終爲父老憂誰能同卜式破產覓封侯
亂後山仍在舟行客自如推蓬驚宿鳥燒桂煮溪魚人
語嵐光外漁燈暮色餘軍書三日斷已似武陵居
向晚彭蠡渡無人見夙心幽明一爲別波浪至今寒冷
月來孤照秋蟲坐苦吟二忠祠萬古揮淚不重尋
平波千頃秋吟望水天浮隔浦帆如馬扁舟夜傍鷗昏
昏雲拍岸慘慘霧蒸流獨羨隨陽雁季季萬里游

舊業傳陳李新知廖尹劉
茫茫泉路短惻惻上京秋
一水遙聞戰千山瞑隔愁
乾坤飄泊盡風雨送孤游
道在身將老名輕願不刊
浮生信舟楫高詠滿江山
王粲從軍忝陶潛解印還
文章吾後汝流轉愧兵間

恩黃李詩

同治元年冬余歸自武昌
昏蹈風浪驅駕舟楫但有
慘慘之聲會病疴坐困臥
滅羣慮悽惻旣罷慨如無
生俄頃聽舟人論亾友黃
司使善政言切余聞惟恐
語盡因憶咸豐四季冬十
月洞庭夜宿亦聞舟人述
李樂平節義涌悲引淚遂
下霑衾詩曰

誰謂知己難夙昔對賞音十季忽乖互千載遂侵尋余
悲固有涯事往逝如夢安知流傳論啓予念商謬人皆
思舊德心豈忘軀欽淺言切淡悰新哀動故忱無燈臥
寥寥浪激風響淡君如精魂在來見江海心委化達生
灰閔吾痛在今果若通冥幽甯不降昭臨山川有浮沒
此道不可沈舉聲不能言泣下遂霑衾

荅贈陳懷庭鍾英詩

蒼蒼南嶽竹寄生本無心一生四五尺三日自成林昔
逢朝陽輝總秀被孤岑今也鸞鶴去春莽響荒森處身
堅且危如何拔幽陰浮塵翳世閒要路久見尋違物非

返素燭來其嶮巖常恐守高節鴟鶚果誤尋辭榮昔有
賢胡爲曠嗣音傾軫尙餘光獨往不願淡何以申我恨
命彼笛與琴

感離詩贈陳巖

憂來誰能居駕言棹輕舟浮雲侵明月夜短不可畱杖
策尋盤石解帶息椒北時苗鬱芊芊泫露已復秋季徂
悲道長恩滯怨川流良逢無旬日歡宴苦未適飛鶴響
始振燕雀已啾啾幽人望晨曦扶光忽西游空谷非余
榮亮志與化酬

裴回清湘濱清湘不可滋三閭沈元陰達士久已辭懷

詩集卷六

居固未引長役詎不疲臨流眷通津中渡悵自疑蒸雲
皎炎景夕氣變頰輝微風起初宵簫星燦四坐清恩惜
昨游獨處歎今非人生新故間旦夕若朝飢清酤庶
酌聊得慰我懷

夏爽

心煩怨日長日沒情已暮列星久懷光磊磊照始睹圓
景絡四隅澄素若可附恩欲託天闕臨望心所慕微風
關山下湛然生涼露佳人在閒庭何以慰獨步清湘尙
無梁況彼河漢渡勞想非精誠睠言終良友

衡山篇寄懷庭

衡山青青四百里兩家同住一山裏浮焱吹棧六合雲
眼前離合亦如此山中十季不相逢老大見子風塵中
君來居我麓山寺我今卻向回雁峰今季九旬百回見
一日辭君淚如霰雙龍莊羽嘯向天匹馬纏髮走轟電
綠槐搖陰覆官道生綃微風日杲杲遠村斜路行客稀
夕陽滿地禾黍好一家茅屋占一山柴門不開炊烟閒
野雀飢鳴常就食溪牛浮鼻自知還朝晡飽飯餘無事
妻兒滿眼皆如意蓬頭對客更何慚折腰解印方知味
買山未就難買鄰避世何如且避人江湖咫尺蛟龍門
松桂縱橫麋鹿羣人生富貴苦少暇乍可低頭學耕稼

君不見馬援曳足士窟中悔不歸乘少游馬龍申蠖屈
當有時愛君雲霧心不迷長虹削劍橫天外白日驅霆
下海西世間盡笑東流水百鍊青蛇今繞指不如與君
攜家五峰頭百季一日間卽休俗人惆悵苦相憶唯有
月明湘水流

益州行贈曾大夫傳理曾君兄弟皆故人黃司使舊客
黃公戰沒因代領其軍平賊而歸索予贈詩

紅巾伐鼓通邛夔烟塵瀕洞昏梁益漢家飛將久不聞
長沙銳兵能破賊黃侯機警才最奇百金選士隨戎麾
君家兄弟皆絕足連翩並向西南馳三軍迅疾若雷電

萬虜奔騰蔽鼓聲祇言舊技穿楊葉千里追風成一蹶
日冥空山敗卒歸月暈圍兵七重合軍主新亾部曲疑
紅旗倒卷角聲嘶孤營力盡雲壓壘千騎星殘夜突圍
書生卻跨紫驢馬猶是當時一健者鏡吹重翻三峽波
揚鞭橫過天山下東西飲馬二川回棧道盤蛇一劒開
雲中曉日刀州樹江上秋風石鏡落從來生灰酬恩遇
黃金斗印誰能顧寒癯猶聞刀斗鳴扁舟已泛江湖去
豔潏驚濤五渚春悲笳長憶故將軍一身轉門自無敵
白首同歸有幾人歸來獨對青山坐山外閒看羽書過
九畝誰知身命輕三季祇覺君恩大如今高枕聽松風

心意蕭條無與同
卻笑從來魏尚兵
敗猶要一戰功
燕歌行

叢蘭低嫋秋風初
夜池輕香墮芙蓉
鳴蟲切切暗四除
缺月纖纖光有餘
微烟靜樹露下裾
佳人飄飄度庭隅
涼夜難逢獨離居
秋來感人步時踟
微吟風中鬢髮疏
羅袖翳月望黃姑
人生歡來不須與
會日雖近今夕徂
良時一失萃簾孤
當見不見更何如

秋曉風日偶憶淇上

秋雲洗晨光庭樹碧
已蔽風期偶然照水石
若在眼清淇憶曉涉塵
慮得初盟日色馬上明
波痕驚過淺淪漪

自然綠空秀不可限樵汲帶清景望望使步緩自從開
門來屢見王路蹇澤衰懷棗猗道難思蓬轉情閒地仍
幽物擾理自遣誰謂山水淡方從寸心遠

四景詩

泉聲入山靜林光近水秋凝波受雨凹輕雲攤月留
奉送按察倉司使景恬歸中牟

鏡吹清秋水輕帆指漢塘恩深未終隱道在豈無容臺
省霜前柏田園亂後松升沈十季事應不預山農
曉色卷紅旌湘流遶舊城明知八騶貴誰信一身輕
把重陽款歸嘗趙女橙傾城肯相送猶是繡衣行

出城步至南湖澗迎婦空返明日婦始歸作一首

涼風惜露寒芳艸漸無依誰能坐相憶始念與子違耦
步出城闕行行望湘圻野曠夕焱厲日落青林微川梁
旣睽絕驚浪使我疑佳人失良約暮色久蔽虧徒知來
帆盡佇立未敢歸思淡忘道長空返覺路遲別數恩愈
濃豈惜一夕期無謂我獨勞嘉時不可希

獨坐感秋贈曹鏡初耀湘詩一首

桂華久已芳佳人胡獨居憂來共相憐翔步此城隅秋
艸日夷綠流風旦夕疏凋榮亦何恨道在情不孤夙昔
願遺形空館驗盈虛固知彭殤幻杜德自充符何以蔽

幽心清秋襲我裾日落羣象冥恩君起時踞

末陽舟中寄懷寢縈

北風度回鴈君處定先寒水逼孤舟冷愁連續被寬空
房畱燭久瘦骨壓衣難欲問相思意窗前五葉蘭

擬曹子建雜詩九首

明月照高樓

春風入晨林愁恩方無端悲來命清瑟歎響激櫺軒良
期曠三載迴路阻且艱君子勞遠役使妾長孤閒芳離
隔江沚蔓艸秀中園會合儻有時容華難久觀願因浮
雲逝萬里致君前不惜自媒苦恐君心未然

西北有織婦

瑤臺有佚女繡服耀明璫長季學機杼終歲不成章
蘭朝坐馳驅急景怨飛光長歎空房中引領望遐方
通達猶難進今也限關梁將附鴻鵠翼一舉見圓方
安見瓊樹枝含華委路旁

微陰翳陽景

朝霧蔽光輝微炎不自升修葛蔽雲嶂宿莽抽高陵
凜凜途上士獨處若懷冰始見麥苗秀俄覩堅霜凝
欲歸忘故塗將仕歎青蠅躑躅高臺下漣然涕霑膺

攬衣出中閨

閒居感春心出戶望所恩和風何悠悠朝露潤堂階嘉
樹藹陽辰百鳥盡南飛歡會結中情還願悵有違皋蘭
不長芳鵲鵲使我衰征役無時暇江漢日已微往古多
榮遇君行獨忘歸浮萍戀清源葛藟施條枚舊誓何可
常根本願不虧永望終令德以副夙昔懷

南國有佳人

瀟湘有佳人皎若明月光夕隨飛雲逝朝從順風翔容
媚世所榮蘭華恥自芳負此窈窕質徒倚愧中腸

高臺多悲風

驚風厲危闕海氣暗重關中洲萬里途歲暮何時還孤

舟易傾沈持楫苦未嫻誰知孤鴻羽霄漢正飄飄願坐
扶搖翼振子滄波間白日翳塵土邈然失所攀

轉蓬離本根

桓鳥別所生東西自游敷甯知嚴霜厲趣我出蓬蒿如
彼山上松斤斧構櫓巢裁爲承露枝從此遂孤高延陵
亦被裘顏子樂簞瓢已矣何所慕行行局吾步

僕夫早嚴駕

撫劒懷壯士命駕出西城荆蜀多榛梗吳會安得甯願
登太山頂騁望皇路平淮河何湯湯良馬向我鳴惜哉
無良御倏忽崦嵫傾誰云還歸樂願得鑒我誠

飛觀百餘尺

峩峩四望樓表裏見山河長風吹四野平原忽巉峨烈士無甯居愚者樂苦多中國盡征屯江海正揚波獨懷耿介略清夷起商歌亮節出奇響豈敢復歎嚔

寄題潘氏園

青驄沿回溪林館影春樹歸來十日雨坐想高樓暮璫窗靜仍啟珠檻潤苔路亭院隨水清九曲映澄素波光接一翠松色在巾屨娟娟琴上月響滴荷下露抽簪便疏轍塵游亦已屢歸來如鴻雁但恐驚鷗鷺余將返舊崖竹石營所住

正月廣州送羅小蘇濤還長沙

作客春常早新歡別更難扁舟送君去三日海風寒雲
度滄陽峽香歸楚地蘭茲行莫回首嶺外霧漫漫

不入潘園宴知君高隱心舊游春寢早今雨故山深句
漏新求藥成連獨鼓琴公隨溪柳綠歸坐石橋陰

鹽井歌送兩廣鹽運蔣司使志章按察四川

夙沙煮海燒白波鱗沙萬里霜嵯峨調均五味作民食
流傳霸國生條科天井炎光出神井西當白道通岷沱
爾來平準四千歲粵川引少淮綱多睚人神功運萬物
意充江浙填漕河南荒西徼戶庭外萬民耕織四海和

奇琛溢眚始驕侈臺司優暇吏嬖阿日中豐憂忌物盛
未見貧寡招傾頗光豐公卿幾千人疏通政體誰第一
金田西夷未災變朝廷將相生茅棘始聞三庫按金銀
不數閭閻闕衣食紅旗一掣海水飛萬里空城映寒日
廟堂恐懼推賢俊艸野蒼黃獻謀策農桑利盡權稅嚴
播蕩江湖轉蕭瑟粵鹽川鹽登四方海鹵白枯井火黃
擲金取利募年少達官卻羨鹽場商豈知政事有根本
河南牧兒壞紀綱况復懷金倚牆壁四封魚爛成奔亡
憶昔清明百度肅舉賢發政猶康莊周宣中興召樊呂
鴻雁還定旱不荒三藩傾禍豈有極當時撥亂皆

仁皇近聞左師收錢唐出兵整肅不可當四方浙餉劃
東餉五季不見曾軍強得人爲政萬事畢區算錢穀非
賢良君侯都運總鹽鐵廣州亂後民夷創兩季清節映
海色天遣移部臨銅梁旌旗拂拂春風光眾賓出餞傾
玉觴下車按察訪循吏願誦治譜除蝸蟾雪山炎海皆
膏腴西南民力今何如路經江湘少時嶠兵疆地小國
內虛使君問俗停隼旟吏民和輯母自疏儒生客游豈
長計時平好買南山廬要令眼前息兵革與君更讀羣
陽書

欽差大臣多隆阿將軍挽詞

精銳萬人敵飛騰百戰雄摧鋒過賈復常勝誤臧宮天
地心難問河山勢已空武昌論別地今日始途窮
猛氣橫廬壽傳聞智勇淡喜承專閫詔恨失貴人心部
曲仍無敵東南亂至今移軍非廟算歲月坐侵尋
建業人開壁臨淮夷乞降收功儻一戰傳檄定三江解
體誰分謫連兵各繼幢興亡關此局遺恨誤謀邦
匹馬向無前風沙晝颯然芒星拂盤屋秋豕對祁連地
險曾橫戟營空只蔽烟何堪論形勝三輔日腥羶
久致貂蟬貴終成馬革歸十年名將盡雙拳夕陽微荆
棘平原慘松楸葬地稀淒涼秦楚土醺酒送丹微

聞都統舒保戰死德安時多隆阿將軍歿於盤屋兩公
舊皆湖北名將連月繼殂而寇犯鄖德恐遂長驅乃
懼而爲詩

不見中興業驚聞二將亾風雲寒四塞旗鼓昔相當勇
氣熊羆臥輕軍蝥螬傷諸侯倚旄節論帥始蒼黃
百勝終閒住孤軍實勁兵苦心隨用舍臨敵日縱橫白
髮空棺冷悲風萬馬鳴遺孤寄江漢誰爲作長城
別廣州寄贈徐子遠灝徐在總督幕府前贈余詩
陸生懷金太虞君注易來蠻夷信易說公卿固難諧伊
余腐朽鈍歲暮隨風埃霜渡揭陽嶺晴登南武臺未值

貂裘敝已見華堂開東榮揖上客西園覲妙才蘭艾本
同氣珠璣非異胎商羽恥獨唱章甫遂空裁暫息海鯤
運終橫河鯉顙一朝風雲轍方驚日月乖乖違念知己
揮手踰千里離觴待月舉歸纜乘潮起之子獨幽憂高
情屬藥餌伏枕君懷人飛旌余背爾猶誦清風贈果得
連城美蠲疾代萱蘇投分溪桃李秀傑滇陽峽空靈清
遠水絕壁雲宋宋縣蘿烟靡靡孤吟羣物外賞會千巖
裏千巖信鬱蟠夙昔賞音難成連一以公青琴不更彈
黃鐘避瓦缶歷齒妒朱顏宿望尙淪滯羈孤共排攢甯
從千將缺劒氣切雲端明鏡朗嫵照長松怪俗看狂歌

詩集卷六

送白眼高枕對青山五噫方走越十上未求官奇才不
偶世古來共巘岼離憂貫涼序松竹橫汀漱金商激悲
亮秋色乘風雨銛芒峰似劍疊響波傳鼓三過亟陳雲
五嶺連昏霧跨天南海郡建節番禺府偉長多素詞王
粲懷鄉士金雕方自助鉛割終何取聰明鸚鵡賦佯狂
鸛鵒舞意氣一感激關河兩淒楚關河何鬱紆意氣陵
空虛誰言逢迎寡於中直自疏異縣非楚越同心愛儲
胥孔顏昔辨馬莊惠時觀魚康成尙行酒老聃能種蔬
靜言徒悄悄其覺乃于于未卜南村宅行吹東郭竽黃
鵠有奇翼赤水無遺珠待余棄金印從君讀異書

東園引

君不見漢家四葉逢聖皇中天盛業何煒煌西收大宛
作外廩南通邛笮開川梁九夷來賓百神格朝野歡娛
忘帝力宮中聖母壽萬季天下賢人有膏澤江淮此日
正驕奢漕渠十里飛春花朱樓小婦彈琵琶富商不復
乘牛車文物聲明古無有東封泰山覲羣后玉佩鏘鏘
朝紫宸翠蓋翩翩動南斗孝養尊榮四海聞鑾輿奉輦
出時巡羽林萬騎扈靈蹕金貂七貴飛朱輪深宮不肖
論朝制懿旨唯傳免租稅百季康阜承休祥五州望幸
許容衛龍旗簫鼓發揚州處處江南佳可游南屏山色

西湖曲秣陵春樹蔣山頭時平方鎮盡豪雄爭除御道
建行宮河東賜宴畱三日汾水鳴鞭回六龍千齡意氣
居然在一代山河人事改黃河北徒潛船空并邑蕭條
萬里窮海澹宸居不復御木蘭壇觀生悲風何況迢遙
千里外從古興衰信時會俄聞玉樹對瓊花旋見黃埃
長蓬艾冠蓋歌鐘復幾人繇華富貴百季身祇應後爽
東園月還照平山羅綺春

露筋祠

亂久殘山苦時平野寺開尙畱秋樹綠如見水仙來空
帳靈鴉盡輕舟戍鼓催江南可憐女殘血徇蒿萊

江甯畱贈總督曾侯詩三首

清江朔鴻征南國始欲雪疏霜艸蕪皎皎晴光烈荒
城寒高望曉吹送將別勤心隆宿恩離憂眷晚節歸仁
豈虛言龕亂實彥哲東南復同軌功力雅未缺宴坐方
州清徙鎮羣望觖旅人徒北轅窮歲靡歸轍疇云謀身
輕進退久未決關梁何時疲舟楫竟安設

荆揚昔播遷播遷信無告石城空虎踞江外苦薦鈔九
州奄橫流萬方遲聲教臨危獨宏毅英相隆再造康濟
資遠圖羣賢得自效季深時事移運量功已到得失儻
偶然何以喻昔抱高躅遺世情盛業觀雅操

言集卷之二
卷舒自有性寵辱甯有真辭榮在一時未足稱達人清
暉照神理名俗久相賓誰謂嬰物淺秦嶽由輕塵悠悠
古今事恩與睚哲倫分珪旣役志解印詎離氛朗襟悟
元默緒業乃經綸絕塵如可睇上德豈無鄰

晚出石頭城贈別湯裕

汀洲多涼風客路悲已引蘭樓昨夜宿明燭有餘燼良
友歡初好臨歧恩紆軫空城無尊酒霜氣轉淒緊攜手
西城闌落日復欲盡浮舟從急瀾但愧我情忍人生善
交難新故若松菌至人患多情斯語豈不僶嘉季無蹉
跎在遠德彌縝

三郎曲

三郎者奉宸卿之愛女當羅敷未滿之歲爲木蘭代
父之裝與余妾六雲少小相得余自南海攜妾旣歸
於鄒東逢南車知其將北乃代妾作詩贈之

貂冠煖玉蠻韉瘦海龍行袪金排釵當門下馬擲銀瓶
三郎不醉能翻酒內旗懶學宮中髻北地燕支紅不媚
驚香催馱入南雲懷裏羅巾封茉莉兒家富貴傾都下
擇對十年嫌不嫁房奴橫使水衡錢廝養偷騎奉宸馬
大農黔司典稅官粵海雄壓十二關朝廷恩例出中使
羣臣不用誇親賢阿翁白頭最恩遇羨賞重分廣儲庫

海月如家不憶歸嬌紅漫漫青春路鸚鵡彫籠言數展
二十四時流電光鯉魚風老北船去鴛鴦凍守橫塘霜
東家莫愁年十八珊珊挂鏡明如月翠樓明歲牋殘燈
瓊窗片片梨花雪

恩歸引

并序

同治三年冬余從淮沂將游於燕趙過桃園之鎮重
訪石崇舊河朔風飛雪僕焉而歎停車裴回感念伊
人詠其恩歸之篇悲所志之不遂重尋自敘喟然而
悟夫以五十之季居九列之尊據河陽之園有綠珠
之麗加以邁俗之志身在亂朝有一於此猶不可免

況其驕侈陵轢多藏以厚亾乎余少小鈍弱旣冠始
學初覽經史未及該貫而長沙有山寇之圍自此兵
連奄踰一紀馳遞軍間稍習時事當世名公卿謬以
文詞相許姓名達於六州頗妄自矜伐喜談遠略視
今封疆大臣竊謂過之值

聖朝闢門求賢開薦舉之路白衣而登大僚蓋數十人
余周旋其間年望相等雖不必至督撫其次亦差得
之矣游半天下未嘗困阨然皆無一歲之畱望望而
輒去慮一牽絀爲智者笑也夫賢才有益於天下天
下誠有損於賢者非惟大名之不終亦恩慮之天神

也是以孔子晚季不牖周公莊生論人謂之不祥且以七尺之身乘百年之運自奮於天地之內董京所以顰蹙而去之者也猥以孤癯之軀無侍奉之祐昊天降割慈德無報然今季始過壯未設降志稍聞古訓得其微義凡有文章一見通解室有賢婦高萊妻之節女喜篆文能寫六經大兒九齡以爾雅解詁往往合誼小者六歲識字形偏旁有妾頗彈琵琶能和簫笛得屋三椽弭誦其中誠足以無悶矣夫巢由不買山而隱伯夷不樹粟而食吾生也有涯而所待者難期余嘗游朱門窺要津親見禍福之來貴賤之情

多矣亦何取身登其階然後悔悟乎昔人有言貧賤
常恩富貴尙子又云貴不如賤富不如貧若以物論
之齊化成虧之心猶爲蔽也凡名皆假設實亦終化
儻非善安其生則出處之道殊矣歸歟歸歟將居於
山水之間理未達之業出則以林樹風月爲事入則
有文史之娛夫讀婦織以率諸子何必金谷爲別業
乃後肥遯哉旣息驂於清苑閒居無營因作詩一篇
以明所懷悼石生之空言故仍題曰恩歸引云爾
恩歸引悲朔方長風驅霜雁南翔眷倫匹懷江湘假余
翼誰謂河無梁天池橫萬鱗驤羣魚煦沫勞相望人生

季樂無方何爲多患自憂戕盛名來先受慶歡娛未畢
生旁皇游天衢歸故鄉恩古賢人心泰康洞房雲閣臨
朝陽左圖書右姬姜鳴琴音金石鏘懷芬華味元莊
岳陽樓

疊浪浮天盡層樓出地開山明落日外秋接洞庭來平
水魚龍瘦清霜鴻雁哀危闌莫頻倚華髮暗相催

漢口舟夜聞雨

漢水門前路尋常慣獨行復聽今夜雨不似昔年聲點
滴驚寒牕江湖損道情扁舟始游倦明燭照愁生
半壁山觀官軍破賊處

江生覆軍地楚將復棱威今日空斜照清江冷翠微興
亡徒過眼蠻觸何忘機賸有冤魂泣應慚首禍非

望廬山

匡君舊游在千里更相逢紫翠半天色晴雲五老峰曾
揆石門隱猶賸幾株松惠遠安禪後星星到曉鐘

九江

江險通三鎮西夷建百樓誰令賈胡輩仍動

廟堂憂薄海

皇威在中原國士羞猶應守四境試遺擇諸侯

安慶

言集卷二
江岸堅城小行臺幕府雄庸臣一奔北壯士苦征東列
戍三更火荒田兩陌風遙看射蛟處高浪涌長空
牛渚晚步

巾屨連暮色蘆沙步步寒然犀想靈怪臥犬吠荒殘遠
岫橫雲壯臨江畫地難莫誇防采石古戍但巔峴
望江甯城夾見鐘山

城鄣千季制東南一大都從來示壯麗未足守巖隅形
勢傳龍虎憑陵誤鼠狐猶應分犄角設險固黃圖
獨游妙相菴觀道咸諸卿相刻石

成敗勞公等繇華悟此間依然一片石長對六朝山花

竹禪心定蓬蒿戰血殷誰能更游賞斜日暮鴉還

晚渡瓜步

昔聞瓜步險寒浪亦孤翻羣盜未西渡玉師墜遠屯東
南天悔禍淮海地空存莫便輕江戍兵機不易論

登揚州城

百載笙歌地今來一炬燼荒城圍敗瓦窮賈坐空欄國
豈貧爲患民傷吏不廉他時返淖樸休更侈魚鹽

寶應岱祠

祠祀久寥寂遺規猶至今高梧葉未落夕殷望如淡閒
靜易愁想荒寒來遠音西城閉斜日難覓濁醪斟

淮關

財賦總吳越，關征屬內差。何曾益府庫，竟欲竭江淮。索經兵亂搖，搖動客懷傳。聞罷杭稅貪，吏莫厓柴。

過王家營感舊

道口臨荒堞，黃埃蔽暮烟。斜陽不移影，客鬢已銷年。得鹿真如夢，悲麟敢問天。誰能老塵土，吾意且林泉。

大雪夜渡黃河

月照劍光明，橫風匹馬行。雪收天地色，冰壓沛河聲。敲火驚龍睡，回舟候雁鳴。孤游惜奇險，飛鞚過齊城。
平原雪夜

平原逢夜獵傳炬照千棚風入鷹拳健霜纏馬汗冰紫
貂香帶酒紅袖坐持燈半醉搖鞭去南行訪信陵
保定府城遙望京國

趙北精兵地千季霸業休不能求樂毅空復倚張柔俗
薄連畿輦官多久贅流至今燕晉弱轉憶割幽州
樅陽舟中贈趙惠甫烈文詩一首

松桂榮故山江潭復孤櫂芳尊延初月之子同清照倦
旅心寥寥風流振雅調烟塵念昔別蕭蕭隆今好滄波
偶喧寂治亂旋相弔時變豈久居但惜華髮少淡宵語
未闌汀曲轉幽窅舟移雁聲遠燭去江文搖無恹共淹

畱獨往遂海嶠

除夕觀保定行宮作一首

宸宮定北極皇輔首南燕明德恭堯禹榮號蓋山川天
行昔順豫人望屬蕃宣緹轂臨上谷采斲宿神軒浚池
象沲派移石輦雲烟曲樓抱林月敞榭濯風泉臺金惜
帝費河竹助民捷服教信逾百維畿亮止千壇塲罷禱
祀宮館虛縣延寒風鳴冰樹荒蔓絡鉤垣窺檻恩窈窕
臨巖意崩騫豐旻非時數張弛自有權豪歸底西貢侯
繹聳東田遇聖猶旦暮開歲告貞元及吾未疲蹇禪典
奉成篇